

La doturia Grete Mahlkecht é demez en vëndres, ai 10 de forá, y vëgn sostituida dal dotur Eduard Agreiter 333 13 80 852.

Le dotur Eduard Agreiter é demez l'atra jöbia y l'ater vëndres, ai 16 y 17 de forá, y vëgn sostituí dala doturia Grete Mahlkecht 349 06 67 034.

PLOANIES SAN MARTIN Y LUNGIARÜ

Chi che oress cumpré privatamënter le liber nü LALDUN LE SIGNUR, pó le cumpré te calonia vigni domënia do mësxa, por 20 euro.

Le Sorvisc ai Jogn Val Badia mët a jí "Dis de preparaziun al maridé" dala sabeda, 15 d'aurí, ala domënia, 16 d'aurí. Le curs sará por ladin y na picia pert por todësch. Söl program él referac y formaziun ti ciamps de comunicaziun, relaziuns, spiritualité, sanité y dërt. Referënc sará Lois Kastlunger (coordinadú), Christian Ferdigg (pert religiosa), Christian Pedevilla (avocat) y Petra Massardi (consulënta).

Le curs é limité a 12 pers. Porchèl periunse da ves prenoté tl Sorvisc Jogn Val Badia 0474 523 070 o info@jogn.org, cina ai 31 de merz 23. Le cost é de 180 euro por per (curs + 2 marënes).

SAN MARTIN

Les sabedes y domënies ai 4 y 5 de forá y ai 11 y 12 de forá periunse dër bel do osc contribut por scialdé la dljia y la calonia ch'i podëis dé pro l'oferta tran mësxa. - Chi che ó pó ince paié por banca IBAN IT 11 J 08010 58830 000304004922

La ploania da San Martin chir n afitadin por sié le pre da munt dla calonia sura Vaciera. I interessá da tó a d'infít le pre é peria da telefoné a 338 46 50 898.

Le zënter sozial La Spona a Pidrô cöi adöm restli de ciandëres o de cëra da podëi lauré sö inant. La cëra pó gní dada jö diretamënter ite da La Spona o sce al foss saré, präibel la lascé dan porta.

Museum Ladin Ciastel de Tor:

I imparun da conësce le Carnescé Ladin y pastelnun mascheres da carnescé; labor por mitans y mituns dla scora elementara en dedemesaledema, ai 15 de forá, dales 14.30-16.30, tl salamënt dles mostres dl Museum Ladin Ciastel de Tor. Cost: 5 euro porom, ai plü 15 partezipanc - Iscriziun obligatora: info@museumladin.it



unitepastorala.org

Plata dles Ploanies San Martin y Lungiarü



ploian siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194


05.02. - 12.02.23 n. 11

ultimo termo por comunicaziuns: jöbia, dales 20.00

5ª DOMËNIA IA POR L'ANN "A"

Vangele do Matü 5,13-16

Te chël tëm্প à Gejù dit a sü discepui: Os sëis le sè dla tera.
Sce le sè perd süa saù, cò pon pa indò le fà saré?
Al ne vel plü nia; al vëgn sciuré demez y pestè sot dala jënt.
Os sëis la löm dl monn. Na cité, che é sön na munt,
ne sciafia nia da restè ascognüda.
An n'impëia gnanca na löm
y mët na sädla surajö, mo an
la mët sön n cíandelier, spo ti
lomìnera a düc te cíasa. Insciö
dess osta löm lominé dan dala
jënt, ch'ai vëighes ostes bones
opres y laldes osc Pere tl cil.




Os sëis la löm dl monn! Os sëis le se dla tera!

*Magari unse aldí chëstes parores bele massa gonot, por s'intëne ci ch'ares ó dí.
Gejú ne dij nia ci ch'i messun fá o ch'i messun se comedé por diventé se o löm.*

*I sun bele löm, deache sciöche fis de Dî cheriá do süa somëia
portunse bele la löm te nos. Chësta löm á tröc inoms: amur, pesc, iustizia,
proteziun, sconanza dla creaziun:
ara ó fá chësc monn plü lominus, plü raiënt.*

*Sciöche se dla tera unse le compit
da ti dé ala vita chë saù ch'ara dess avëi,
la vita dess ester buna, ti fá bun a düc,
ara dess gní nudrida y se svilupé,
a bëgn de düc. (da Te Deum)*



EDEMA	SAN MARTIN	LUNGIARÜ	 I periun do l'intenziun dl Papa tl mëis de forá
05.02.23 5ª DOMËNIA ia por l'nn A DE MONDIAL POR LA VITA	9.00 Corona por vocaziuns 9.30 Gran Mëssa por la comunité I festejun le de dla vita cun i geniturs di mituns batiá l'ann 2022 + siur Heinrich Videsott + Pasquale Schuen	7.50 Corona 8.15 Gran Mëssa por la comunité I festejun le de dla vita cun i geniturs di mituns batiá l'ann 2022	<p><i>I periun che les ploanies mëtes itamez ci che les liëia adöm y ci che les liëia a Idî, ch'ares vëgnes implides tres deplü de fede, fraternité y desponibilitè defrunt a chi che á le plü debojëgn.</i></p> <p>-----</p>
06.02.23 Paul Miki y comp., Dorotea Lönesc			<p><i>Le Dé de Santa Maria da Lourdes, ai 11 de forá, tëgn la Dlijia dal 1993 incá le „De Mondial di Amará“.</i></p>
07.02.23 Richard, Eugen Dedolönesc	19.00 Liturgia dla Parora		<p><i>I periun do la interzesciun dla Uma de Dî por düc chi che é amará tl corp, tl'anima o tl spirit, ch'ai varësces o ch'ai ciafes la forza da suporté süa maratia.</i></p>
08.02.23 Iarone Em., Iosefina Bakhita Dedemesaledema			
09.02.23 Jöbia Apolonia, Alexia		19.00 Mëssa (cun siur Degan) rengr. fam. Martin Clara en onú Agnui Custodi + Sepl Clara, Sanví + Ida Nagler Mair	<p>ORAZIUN POR LE DE DLA VITA</p> <p><i>Bel Dî dōta la vita é n mister. sciöche la vita sfiora y crësc, florësc y se svilupëia – al é na scincunda de tūa grazia, y nos podun ma l'azeté y se fá demorvëia. Che la vita á tres ince debojëgn dla trasformaziun, chësc nes á to Fi mostré cun süa mort y süa ressureziun. Trasformëiesse tres deplü te chë jënt ch'i dessun y ch'i podun ester. Amen.</i></p>
10.02.23 Vëndres Scolastica, Wilhelm	18.30 Adoraziun chîta 19.00 Adoraziun deboriada		
11.02.23 Sabeda Santa Maria da Lourdes De Mondial di Amará	19.30 Liturgia dla Parora	19.30 Mëssa prefestia fam. Egidio y Monica Schanung dl ann + Pire Mischi, Pecëi dl ann + Vinzenz Clara, Postin dl ann + Albino Daporta dl ann + Franz Pezzei Ghestan	<p>BENEDISCIUN</p> <p><i>Bel Dî, te nes as metü a ester tū testimoni. Benedëscesse chi sintiunse la saú de tūa parora, ch'ara se sais buna y ch'i la capiunse, ch'i ti lasciunse sintí süa buna saú ai atri cun nosta vita. Benedëscesse ch'i fajunse lominé nosta löm aladó de tūa parora y ch'i te laldunse cun nostes opres, tö nosc Dî, Pere y Fi y Spirit Sant.</i></p>
12.02.23 6ª DOMËNIA ia por l'nn A	9.00 Corona (cun siur Degan) 9.30 Gran Mëssa por la comunité en onú de santa Maria da Lourdes + siur Angel Morlang (dl ann) dl ann + Maria Clara Verginer dl ann + Artur Conrater dl ann + Hans Pescoller + Clara Frenner Zingerle (dl ann) + Giovanni Flöss (dl ann)	7.50 Corona 8.15 Gran Mëssa por la comunité o Liturgia dla Parora	